

六十種曲

六十種曲

(十二)

毛

晉編

(本書係用開明書店原版重印)

六十種曲 (第十一冊)

白兔記 殺狗記 曇花記

龍膏記 飛丸記

[明] 毛晉 編

*

中華書局出版

(北京王府井大街 36 號)

新華書店北京發行所發行

北京第二新華印刷廠印刷

*

787×1092 毫米 1/32·20¹/₄·印張·279 千字

1958 年 5 月新 1 版 1982 年 8 月北京第 2 次印刷

印數 1,101—9,100 冊

統一書號: 10018·48 定價: 2.40 元

新華書店
PDG

繡刻演劇十本

第六套

白兔

殺狗

曇花

龍膏

飛丸

東郭

節俠


雙珠

四賢

牡丹

繡刻白兔

記定本



目錄

第一齣 開宗

第二齣 訪友

第三齣 報社

第四齣 祭賽

第五齣 留莊

第六齣 牧牛

第七齣 成婚

第八齣 遊春

第九齣 保讓

第十齣 逼書

第十一齣 說計

第十二齣 看瓜

第十三齣 分別

第十四齣 途嘆

第十五齣 投軍

第十六齣 強逼

第十七齣 巡更

第十八齣 拷問

第十九齣 挨磨

第二十齣 分娩

第二十一齣 岳贅

第二十二齣 送子

第二十三齣 求乳

第二十四齣

見兒

第二十五齣

寇反

第二十六齣

討賊

第二十七齣

凱回

第二十八齣

汲水

第二十九齣

受封

第三十齣

訴獵

第三十一齣

憶母

第三十二齣

私會

第三十三齣

團圓

白兔記 目錄

四

白兔記

明 無名氏 著

第一齣 開宗

〔滿庭芳〕〔末上〕五代殘唐。漢劉知遠。生時紫霧紅光。李家莊上。招贅做東牀。二舅不容完聚。生巧計拆散鴛行。三娘受苦。產下咬臍郎。知遠投軍。卒發跡到邊疆。得遇繡英岳氏。願配與鸞凰。一十六歲。咬臍生長。因出獵。識認親娘。知遠加官進職。九州安撫。衣錦還鄉。

第二齣 訪友

〔絳都春引〕〔生上〕年乖運蹇。枉有沖天氣宇。最苦堂堂七尺軀。受無限嗟吁。似餓虎巖前睡也。困龍失卻明珠。結交須結英與豪。莫結區區兒女曹。正所謂也。自家姓劉。名暉。字智遠。本貫徐州沛縣沙陀村人氏。自幼父親早喪。隨母改嫁。把繼父攪得天家業。盡皆花費。被繼父逐出在外。日間在賭坊中搜求貫百。夜宿馬鳴王廟安身。這苦怨天不得。恨自己難言。正是時

運苦淹留。何須去強求。百花逢驟雨。萬木怕深秋。怒氣推山岳。英雄貫斗牛。一朝時運至。談笑覓封侯。那堪正值隆冬天氣。積雪堆瓊。江上漁翁。兩兩披簑拽棹。人間過客。個個失路迷蹤。你看好大雪。
〔絳都春〕彤雲佈密。見四野盡是銀妝玉砌。迸玉篩珠。迸玉篩珠。只見柳絮梨花在空中舞。長安酒價增高貴。見漁父披簑歸去。〔合〕鼻中但聞得梅花香。要見並沒覓處。

〔前腔〕〔小生上〕堪觀。青山頓老。見過往行人失路迷蹤。下幕垂簾。下幕垂簾。酌酒羊羔歌白苧。紅爐獸炭人完聚。怎知道街頭貧苦。〔合前〕晚來風雪滿乾坤。四野人家盡掩門。暗想劉兄在何處。許多心事向誰論。正是相識滿天下。知心能幾人。自家當初結義十個弟兄。各自投東往西去了。止剩弟兄三人。大哥劉智遠。二哥郭彥威。自家史弘肇。大哥流落天街。我已懷揣貫百。不免尋訪他。買三杯五盞。與他敵寒。有何不可。呀。遠觀不審。近觀分明。有個漢子。呆立在此。上前看來。〔見介生〕兄弟何來。〔小生〕小弟見天氣寒冷。特來尋兄。欲買三杯五盞。與兄敵寒。
〔生〕兄弟。我好恨也。〔小生〕敢是恨小弟來遲。〔生〕那個恨你。

〔皂羅袍〕自恨一身無奈。……夜無衾蓋。怎生擺劃。日長夜永愁無奈。將來買。〔合〕朝無依倚。……

〔前腔〕〔小生〕勸你寬心寧耐。……志氣終須在。〔合〕那時腰金衣紫。日轉九階。一朝榮貴。名揚四海。那時節駟馬高車載。哥哥。小弟見天氣嚴寒。懷揣買酒。欲買三杯五盞。與兄煖寒。但哥哥能飲。小弟頗酌。買酒喫不醉。買飯喫不飽。哥哥且到寒家去。有濁醪與哥哥盡醉方歸。〔生〕如此多謝。只一件。多時不到宅上。恐怕嫂嫂見外。不當穩便。〔小生〕哥哥說那裏話。〔生〕如此多感。〔小生〕穿長街。過短巷。這裏便是。哥哥少待。等我叫出拙妻出來。〔叫介丑上〕隔腦隔腦。〔小生〕混堂裏洗澡。這不是隔腦。快來快來。〔丑〕來了來了。

〔十棒鼓〕奴奴生得如花貌。言語又波俏。丈夫叫做廿一郎。奴奴喚做三七嫂。方纔房中補衣補襖。〔小生〕大嫂快來。〔丑〕忽聽老公叫。慌忙便來到。那個一個兩個。三四五六七八九十來個。〔小生〕眼見虛花了。〔丑〕蜜蜂見我臉上花斑斑的。在我臉上採花。〔小

〔生〕那些個賽過西施。〔丑〕那個在此。〔小生〕是汝劉伯伯。〔丑〕今日也劉伯伯。明日也劉伯伯。怎麼不見劉老娘。〔小生〕淺水攤頭。余下一個坐婆來。這不是劉老娘。〔丑〕來得快。我要一個老娘劉。〔小生〕韓信乞食于漂母。這不是老娘劉。〔丑〕我如今又要一個老娘劉不劉。〔小生〕咳。渾不過三哥哥且請坐。〔丑〕劉伯伯。多時不見。喫得這般臉兒紅丟丟的。好像個老猴孫屁股。〔小生〕不要取笑。〔丑〕不囉。我說劉伯伯指日封侯。〔小生〕且住。前日做下的濁醪有麼。〔丑〕甚麼叫做濁醪。〔小生〕清酒叫香醪。白酒叫濁醪。〔丑〕原來如此。只是天寒如此大風大雪。我請東村頭張媽媽。西村頭李媽媽。他一鍾。我一鍾。盡數都喫沒了。〔小生〕咳。怎麼好。我請劉伯伯到家。你與我妝個面皮纔好。〔丑〕不然。我前日洗裹脚。剩得些乾麵在此。我打些合鍋素麵喫後。飲酒如何。〔小生〕如此甚好。你快打來。〔丑下小生〕哥哥請坐了。〔丑上〕麵在此。

〔梧葉兒〕〔生〕智遠多蒙恩顧。感蒙愛憐。得魚後怎忘筌。待等春雷動。管取來報賢。〔合〕這嚴寒喫一碗合鍋素麵。

〔前腔〕〔小生〕一碗家常飯。何須苦掛牽。略且止饑寒。有日春雷動。管取朝帝

輦〔合前〕

〔前腔〕〔丑〕寧可添一斗。怎禁一口添。全不管家筵。每日要柴和米。醬醋油共鹽。〔合前〕

〔生〕相識如同親眷。

〔小生〕朝朝每日厮見。

〔丑〕劉伯少坐片時。

喫一碗合鍋素麵。

第三齣 報社

〔三台令〕〔外上〕歌聲百里喧傳。喜膝下兒孫滿前。晚景樂豐年。燕明香答謝蒼天。自樂村莊得自由。地爐煨芋度春秋。但願子孫榮秀日。何須談笑覓封侯。老夫李文奎。世居沙陀村住居。祖遺下田產。春種秋收。雖無千鍾之粟。頗有桑麻之樂。自家所生子女三人。長子洪一。次子洪信。次女三娘。且喜一門和氣。外無牽掛。今日這般天氣。瑞雪飄飄。梅花綻蕊。正宜賞歡。院子。請太婆。叫春兒請三娘。一同出來賞歡。

〔前腔〕〔老旦上〕桑麻粗守田園。喜膝下兒孫滿前。〔旦上〕竹籬茅舍。前村雪裏。

問道野梅開未。〔丑上〕待春兒折取一枝。惟有暗香撲鼻。〔相見介外〕你看幾樹老寒梅。冷淡不嫌溪畔靜。精神偏向雪中開。〔老旦〕飛雪徘徊。頃刻妝成銀世界。須臾變作玉樓臺。〔旦〕月色更奇哉。惟有暗香來。〔外〕今日天寒大雪。梅花正開。請你同女孩兒出來。一同賞玩。〔老旦〕孩兒將酒過來。〔旦〕酒在此。

〔鶯啼序〕〔外〕隨車綰帶逐亂飛。攪銀海生輝。觀前村草舍茅簷。盡是玉筋低垂。賀來年時豐歲稔。喜今歲先呈祥瑞。〔合〕雪晴時。梅梢上淡月。三白總相宜。〔前腔〕〔老旦〕馮夷特地助威。掃雲散天霽。向雲衢推出銀蟾。萬里光瑩如洗。姑射與嫦娥鬪美。問梅道那些個爲最。〔合前〕

〔前腔〕〔旦〕詩人先自品題。勝玉骨冰肌。雪光映月色交輝。一點暗香撲鼻。月照梅在奴紗牕上弄影。向雪裏精神越美。〔合前〕

〔前腔〕〔丑〕撒鹽未是比宜。不若柳絮風吹。看長空素魄團圓。並無一點塵翳。看梅花香清韻美。比三姐嬌容無二。〔合前淨領衆上〕